

—নজরুল ইসলাম

নিবিড় অরণ্য মাঝে ব'হে যায় ঝর্ণা ঝর্ণা
অবিচ্ছিন্ন বসন্তের সুরের প্রবাহ,
পাখীর পালক বাঁধা তীর-ধনু হাতে
গেয়ে ওঠে ঝর্ণা-তীরে বনের কিশোর—

রাগিণী নিৰ্কারিণী—তেতালী

কুম্বুম কুম্বুম কে বাজায় জল-কুম্বুমি ।
চমকিয়া জাগে ঘুমন্ত বন-ভূমি ॥
দুরন্ত অরণ্য গিরি-নিৰ্কারিণী
রঙ্গে সঙ্গে জয়ে বনের হরিণী
শাখায় শাখায় ঘুম ভাঙায়
ভীক মুকুলের কপোল চুমি ॥

কুহ কুহ কুহরে পাহাড়ী কুহ পিয়াল-ডালে
পল্লব-বাণা বাজায় ঝিঝি ঝিঝি সমীরণ
তারি তালে তালে ।

সেই জল ছলছল সুরে জাগিয়া
সাড়া দেয় বন-পারে বাঁশী রাখালিয়া
পল্লীর প্রান্তর ওঠে শিহরি'
বলে, "চঞ্চলা কে গো তুমি ॥"

[নিৰ্কারিণী রাগিণীর পরিচয়

আরোহী :—সাপা, গামাপা, সাঁ
অবরোহী :—সাঁ (না) দা পা, মা গা মা, ঝা সা
বাদী—পঞ্চম ; সহাদী—ষড়্জ
এই রাগিণী উত্তরাঙ্গ-প্রবল । অবরোহণের সময় তীর

সেনোলা রেডিও মডেল ১

এসি/ডিসি লোকাল ষ্টেশনের জন্য—৩ ভোল্ট
মুভিং কয়েল স্পীকার সহ—৮০০ মাত্র ।
গ্রামোফোন এমপ্লিফায়ারের বন্দোবস্তও আছে ।

সেনোলা রেডিও মডেল ২

এসি ডিসি—অল ইণ্ডিয়া ষ্টেশনগুলিতে—
মাত্র ১৪০০

448 ✓



রেডিও মেরামত :—

রেডিও, রেডিওগ্রাম ও এমপ্লিফায়ার উহা যে কোন মেকার হোক না কেন,
স্বল্প ব্যয়ে নিখুঁতরূপে মেরামত করাই আমাদের বিশেষত্ব ।

আজ দশ বৎসর যাবত সুদক্ষ ইঞ্জিনিয়ার দ্বারা মেরামত কার্য সম্পাদিত
হইতেছে ।

রেডিওর যাবতীয় সরঞ্জাম এখানে সুবিধা
দরে পাইবেন ।

এন, বি, সেন এণ্ড বাদাস

Phone :—Cal 3345 ২১নং চৌরঙ্গী, (লিওসে ষ্ট্রীটের মোড়) কলিকাতা
Telegram—Chandiflut. [রেডিও ওয়ার্কসপ—২৪ ফ্রি স্কুল ষ্ট্রীট]

নিখাদ শুভ্র থাকে অর্থাৎ বর্জিত নয়, বিবাদী। অবরোধে
ধৈবতে আন্দোলনকালে কতকটা ভৈরো ঠাটের জিলেফের
আভাস আসে, ইহার গতি “শোথ” অর্থাৎ চঞ্চল। বর্ণধারার
মত অবরোধ-কালে ইহার চঞ্চল গতি ফুটিয়া উঠে।
জলধারার মেঘরূপে পর্বতারোহণের মত ইহার গতি গম্ভীর
ও শ্লথ এবং অবতরণে গতি চঞ্চলা বলিয়া ইহার নাম
“নিব্বারিণী”।]

শুনিতে শুনিতে সেই ঝর্ণার সুর
আনমনা হ'য়ে যায় বনের কিশোর।
ফেলে দিয়ে তীর ধনু শীর্ণা বর্ণাজলে
সরল বাঁশীতে তুলে তরলিত তান।
সজল বর্ণার বুকে ছিল যে বেদনা
তাই যেন ফুটে ওঠে পাহাড়ী বাঁশীতে।
ছিল সেই বনে এক আরণ্য কুমারী
চন্দ্রা নাম তার; শুনি সেই বেণুরব
ভুলে যায় চঞ্চলতা আঁখি সক্রমণ
কহে তার প্রিয় সখী রূপমঞ্জরীরে :—

রাগিণী বেণুকা—তেতালী

বেণুকা ওকে বাজায় মছয়া বনে।
কেন ঝড় তোলে তার সুর আমার মনে ॥
ব'লে আয় সে ছুরন্তে, সখি,
আমারে কাঁদাবে সারা জনম ওকি ?
সে কি ভুলিতে তারে দিবে না জীবনে ॥
সখি ভাল ছিল তার তীর ধনুক নিষ্ঠুর
বাজে আরো অক্রমণ তার বেণুকার সুর !
সখি কেন সে বনবিলাসী
আমারি ঘরের পাশে বাজায় বাঁশী ?
আছে আরো কত দেশ
কত নারী ভুবনে ॥

[বেণুকা রাগিণীর পরিচয় :—

আরোহী :—সা রা মা, পা গা ধা মা, পাদাসী

অবরোহী :—সাঁনা, পাধামা, গা, রাগা, সা

বাদী—মধ্যম, সংবাদী—সা

এই রাগিণী শুনিতে কতকটা পাহাড়ী ও তিলক-কামোদের
মত শোনায়। কিন্তু ইহার বিশেষত্ব অবরোধে তীব্র
নিখাদে তারার “সা” ধরিয় আন্দোলন ও স্থিতি, ঐরূপে
ধৈবতে ও গান্ধারে স্থিতি। বুনো বাঁশীর আভাস ফুটিয়া
উঠে বলিয়া ইহার নাম “বেণুকা”]

শুনি সেই গান— যেন বনের মশ্বর !—

বনের কিশোর আসে বাঁশরী বিসরি।

হেরিয়া কিশোরে, চন্দ্রা আনত নয়ানে

অনামিকা অঙ্গুলিতে জড়ায় আঁচল।

যত লাজ বাধে, তত সাধে মনে মনে,

হে সুন্দর, থাকো হেথা আরো কিছুক্ষণ।

মুঠি মুঠি বনফুল চন্দ্রা পানে হানি

মুছ হাসি গেয়ে ওঠে বনের কিশোর :—

রাগিণী মীনাঙ্কী—তেতালী

চপল আঁখির ভাষায় হে মীনাঙ্কী কয়ে যাও

না-বলা কোন্ বাণী বলিতে চাও ॥

আড়ি পাতে নিব্ব-বুম বন

আঁখি তুলি চাহিবে কখন,

আঁখির তিরস্কারে এই বন-কান্তারে

ফুল ফোটাও ॥ (হে মীনাঙ্কী)

নিটোল আকাশে টোল খায়, তোমার চাওয়ায়,

হে মীনাঙ্কী !

নদী-জলে চঞ্চল সফরী লুকায় —

হে মীনাঙ্কী !

তব আঁখি-করণা

ঢালো রাগ-অরণা !

আঁখিতে আঁখিতে ফুল-রাখী বেঁধে দাও ॥

(হে মীনাঙ্কী)

[“মীনাঙ্কী” রাগিণীর পরিচয়

আরোহী :—গা ধা সা গা রা, গা মা পা, গামাপাধাসী

অবরোহী :—সা গা ধা মা, পাদাপা, মাজ্জারা, গা সা

বাদী—রেখাব ; সঙ্গী—পঞ্চম

এই রাগণীতে নীলাধরী ও কাফি রাগিণীর কতকটা এবং অনেকটা হংসকিঙ্কিনীর আভাস পাওয়া যায়। ইহার প্রধান বিশেষত্ব—অবরোধে বক্রগতিতে কোমল ধৈবত ও তীব্র গাঙ্কারে পূর্ববর্তী সুরকে ধরিয়ে আন্দোলন অর্থাৎ ধৈবতের সময় নিখাদ ও গাঙ্কারের সময় মধ্যম ধরিয়ে সুরকে দোলানো। ইহার গতি মীনের মত বক্র ও চঞ্চল বলিয়া ইহার নাম “মীনাক্ষী”]

শরমে মরমে মরি পলাইয়া যায়
প্রথম-প্রণয়-ভীকু চন্দ্রা দূর বনে
সন্ধ্যা-মালতীর কুঞ্জে, কেঁদে ওঠে প্রাণ
কী যেন অসহ দুখে, অজানা পীড়ায়।
দেখিলে চাহিতে নারে মুখপানে তার
না দেখিলে প্রাণ আরো করে হাহাকার।
আবার বাজিয়া ওঠে বাঁশী যেন বৃকে
কাছে এসে সাধে তারে তার প্রিয় সখী :—

[চন্দ্রার সখী রূপমঞ্জরীর গান]

রাগিণী—সন্ধ্যামালতী—আন্ধা কাওয়ালী

শোনো ও সন্ধ্যামালতী বালিকা তপতী

বেলাশেষের বাঁশী বাজে—বাজে।

শোনো মাধবী চাঁদের মধুর মিনতি

উদাস আকাশ মাঝে—বাজে ॥

(তব) মৌনব্রত ভাঙে কও কথা কও

মোর নৃত্য আরতির সঙ্গিনী হও,

মাধবী হেনা হের এল বাহিরে

রস-রাজে হেরি রাস-নৃত্যের সাজে ॥

তুমি যার লাগি সারাদিন বিরহ-ধ্যান-লীন

একাকিনী কুঞ্জে

হের সে মাধব নিশীথ ভ্রমর হয়ে

তব পাশে গুঞ্জে—গুঞ্জে—গুঞ্জে।

হের সুন্দর দাঁড়িয়ে তব দ্বারে আঁধারে

মঞ্জরী-দ্বীপ জ্বালো ডাকো তাহারে,

বুকের চন্দন-সুরভি ঢালো

পাতার আঁচলে মুখ ঢেকোনা লাজে ॥

[“সন্ধ্যামালতী” রাগিণীর পরিচয়—

আরোহী :— না শা জ্ঞা রা, সা গা মা পা, জ্ঞাঙ্কাপা,
পাধায়া, পানাসী

অবরোধী :— সীনা দাপা, জ্ঞাঙ্কারাসা।

বাদী—পঞ্চম ; সঙ্গী—জ্ঞা

ইহার বিশেষত্ব অবরোধ কালে একাধারে বারোয়া, ধানী ও মূলতানের রূপ অণুর্ক শ্রী লইয়া ফুটিয়া উঠে। অবরোধে মূলতানী ও পিলুর রূপ পরিস্ফুট হয়। সন্ধ্যামালতীর মতই করুণ স্নিগ্ধ ও মধুর রসের সৃষ্টি করে বলিয়া ইহার নাম সন্ধ্যামালতী]

বক্ষে দোলে নব অল্পরাগের মালিকা
চক্ষে বহে অকরণ অশ্র-নির্বারিণী,
তবু চাহিল না বৃন্দা-বনের কিশোরী
চন্দ্রা আঁখি তুলি ! অকারণ অভিমানে
ফিরে গেল স্নানমুখে বনের কিশোর
চলি গেল আন পথে মুখ ফিরাইয়া !
গহন অরণ্য পথে ফেলে রেখে বাঁশী !
ফিরে এসে সেই সন্ধ্যামালতী-বিতানে
লুটাইয়া কাঁদে চন্দ্রা, বলে, “হে নিষ্ঠুর,
কেন তুমি জোর করে ভাঙিলে না লাজ ?
হে অন্তরবাসী, কেন অন্তরের ব্যথা
বুঝিলে না ? কেন তুমি ভুল বুঝে গেলে ?

রাগিণী বনকুল্লা—ভৈতালী

বন-কুল্লা এলায়ে বন-শবরী বুঝে—

সকরণ সুরে।

বিবাদিত ছায়া তার চৈতালী সন্ধ্যার

চাঁদের মুকুরে ॥

চপলতা বিসরি যেন বন-যৌবন

বিরহ-ক্ষীণ আজি উদাস উন্মন

তোলেনা বঙ্কার আর বরা পাতার

মর্ম্মর-নূপুরে ॥

যে-কুল কুহরিত মধুর পঞ্চমে বিভোর ভাবে

ভগ্ন কণ্ঠে তার থেমে যায় সুর করুণ রেখাবে !

কোন বন শিকারীর অকরণ তীর

আলো হ'রে নিল ঐ উজল আঁখির

ফে'লে যাওয়া বাঁশী তার অঞ্চলে লুকায়ে

গিরি দরী প্রান্তরে খোঁজে সে নিষ্ঠুরে ॥

[“বন-কুল্লা” রাগিণীর পরিচয়

আরোহী :— সা রা গা পা, ধা পা, পাধাসী

অবরোধী :— সী না ধা পা গা রা, গা সা রা

বাদী—রেখাব, সঙ্গী—পঞ্চম

(গ্রহ ও জ্যোতিষ—রেখাব)

এই রাগিনীতে এলায়িত-কুম্ভলা বিরহিনী বন-শবরীর রূপ
আরণ্য-শ্রী লইয়া ফুটিয়া উঠে বলিয়া ইহার নাম “বনকুম্ভলা”।
আরোহীতে পঞ্চমে ধৈবত অবলম্বন করিয়া স্থিতি বলিয়া
ভূপালী হইতে ইহা স্বতন্ত্র শোনায়। অবরোহীতে সানাধাপা
গা রা সা রা—ইহার প্রধান রূপ, ইহাতেই ইহার আরণ্য-
শ্রী করুণরূপে ফুটিয়া উঠে

ফিরে আসিল না আর বনের কিশোর
ঘরে ফিরিল না আর বনের কিশোরী !
মাধবী চাঁদের বৃকে কুম্ভ-লেখা হ'য়ে
দেখা দেয় আজো সেই কিশোরের ছায়া !
কাঁদে চাঁদ সেই বিরহীরে বৃকে ধরি
আনন্দে কলঙ্কী নাম করিল বরণ।
বনের কিশোরী চন্দ্রা সেই চাঁদ পানে
চাহিয়া বনের বৃকে বিসরিয়া তনু
ধরিল দোলন-চম্পা রূপ এ ধরায়
জনম লভিয়া পুন হেরিতে কিশোরে।
আজো দোল-পূর্ণিমার রাতে বিকশিয়া
ঝরে যায় বিরহের প্রথর বৈশাখে
বারে বারে জন্ম লভে মরে বারে বারে
তবু তার প্রেমের সে অনন্ত পিপাসা
মিটিল না, মিটিবে না বুঝি কোন কালে।
অনন্ত এ বিরহের রাস-মঞ্চে তার
অচ্ছেদ্য মিলন-লীলা চলে অনিবার ॥

রাগিনী—দোলন-চম্পা—তেতালী

দোলন চাঁপা বনে দোলে

দোল পূর্ণিমা রাতে চাঁদের সাথে।

শ্রাম-পল্লব-কোলে যেন দোলে রাখা

লতার দোলনাতে ॥

যেন দেব-কুমারীর শুভ্র হাসি—

ফুল হয়ে দোলে ধরায় আসি’,

আরতির মুছ-জ্যোতি—প্রদীপ-কলি—

দোলে যেন দেউল আঙিনাতে ॥

বন-দেবীর ওকি রূপালী বুঝকা

চৈতী সমীরণে দোলে,

রাতের সলাজ আঁখি-তারায় যেন

তিমির আঁচলে।

ও যেন মুষ্টি-ভরা চন্দন-গন্ধ

দোলের গোপিনীর গোপন আনন্দ

ও কি রে চুরি-করা শ্রামের নূপুর

চন্দ্রা-যামিনীর মোহন হাতে ॥

[“দোলন-চম্পা” রাগিণীর পরিচয়

আরোহী :—সা গা কা পা, গামানাধা, পানাধাসী

অবরোহী :—সানা ধাণা ধাণাধাপা কাপা,

গা মা গামা, রাসা

বাদী—ধৈবত ; সঙ্গী—ষড়জ

ইহাতে হাঙ্গীর কামোদ ও নটের রূপ মাঝে মাঝে উঁকি

দেয় কিন্তু ইহার গতি অত্যন্ত দোলনশীল বলিয়া ঐ সব
রাগের আভাস দিয়াই ছুটিয়া পলাইয়া যায়।

আরোহণে পূর্ববর্তী সুরকে ধরিয়া “বুলনা” বা দোলাই
ইহার প্রধান বিশেষত্ব। দক্ষিণ সমীরণে দোলন-চম্পার
দোলনের সঙ্গে ইহার গতির সামঞ্জস্য হইতে ইহার নাম
“দোলন-চম্পা” হইয়াছে। তীব্র মধ্যম ও গা মা নি ধা-য়
চাঁপাফুলের সুরভির তীব্রতা ও মাধুর্য্য ফুটিয়া উঠে]

নিউ থিয়েটার্সের নিবেদন !

এসোসিয়েটেড প্রোডাকশানের

প্রথম ছবি

৫৫৭

পরিচালনা :

দীনেশ দাস

স্বর শিল্পী :

কুম্ভচন্দ্র দে

চিত্র-খ নি মুক্তি প্রতীক্ষায় ।

এসোসিয়েটেড ডিস্ট্রিবিউটাস রিলিজ

“ফীভার মিক্‌চার”

পরিচালনা—তুলসী লাহিড়ী

শ্রেষ্ঠাংশে—ডোরথী

পরিবেশক—এসোসিয়েটেড ডিস্ট্রিবিউটাস লিঃ

ফোন : ক্যাল : ৩৭২৪